

5. Küme zugulkawaygün. Pekanka wezake zugu tukugelay ka gagümgelayay rume, txewalkagelayay rume. Txixantugelayay rume chi karsel mew ka kewagelayay rume ka werakan zugu mew rume. Chew kimamaygekeymi ñi az, chi karafineru müley ñi wenche malütual ti ropa ka chem ñi yeniel. Ano kewakagelimi, yerugepalimi kam kewatulimu pu karafineru, chetxukunulimu, txewalkagelimi **Müleymi tami zallintuel tami** chetxukugenun, fey ta che rumentukagelay, müley tañi kimgerupual. Ñoymalayaymi anokewagelimi müleymi tami zallukayal chew ta pegelgekey ka chew pegelgekey ruf ñi allfeñkülen, feypintukulekey ti wirin mew fey chi wirin papel zalluntukumegekey chi “Ministerio Publico” pigelu.
6. Kimtukugele tami pu reñma tami mülen mew karcel mew. Elugeaymi kiñe rupa tami mütxümal, welu lelineay mew ti pu karafineru.
7. Ka tami inkaleatew müley eymu müten kimtukuneal ti zugu.
8. Petu Püwülnolimi mari pura txipantu, müleymi tami wichuleal zeypulelayaymi fütake che egu. Ka feleay ti wentxugeafuy rume ka zomogeafuy rume müley ñi wichuleal.

Ano allfeñgelimi:

Yamgenolimi kam chi pu karafineru zew karceltukuey mew müley tami kewageluel mew, fey müley tami amual ti pital mew pegelal tami allfeñ koneltulelu chi pu karafineru mew. Femülmi fey mew kimgeaymi tami kewagen, fey mew zalluntukuafuymi ti pu karafineru “tribunales” pigelu ka femgechi zoy matu zageafuymi.



Kimeltuwün zugu

ÑOCHIKECHE MÜLEY ÑI WEYCHAYAL

Ñochikeche müley ñi weychayal, kom che müley chew rume ñi txawüluwal ka ñochike amuleal ñi weychan zugu, ka ayinuel chi zugu müley ñi feypiam koneltulelu tüfachi füta mapu mew. Fey tüfachi zugu wiño yamtun zugu Feypigen Tüfachi füta mapu mew chi yamgeal ta Che ka falintukuleal chi Constitución Política pigelu, wigka zugun mew piley “Declaración Universal de los Derechos Humanos y garantizados en la Constitución Política.

Femgechi gantxi rumelayay tüfachi yam zugu puchegeay ñi zugu ka chi Ley pigelu wenterumefalay. Müley ñi yamal ta che, wente rupayawülgelay ti yam zugu kake keche kam kom zugu koneltulu ti pu che kam kiñeke che müten ñi zugu.

Tüfichi che küzawkelu “Policía”- Karafineru mew ka chi “Policía de Investigaciones” mew- kizuyegün müley ñi ramtukayal che, chem ñi ramtukayal feyta piley:

- 1.- Kiñe che pegeyim ñi müyawün pekanka zugu mew kam wenche pegeafuy rume kam rumentu pekankageafuy rume.
- 2.- Koneltumekey weza zugu mew chi che, wenchegeafuy rume kam rumentu pekankageafuy rume.
- 3.- Tüfichi che wülu zugu ñi kimnielu chuchi che ñi müyawün pekanka zugu mew.
- 4.- Kiñelke che takuwlu ñi age kam ellkawle rume ñi kimgenuam ñi az. Ñi kimgeam inigem müley ñi pegelal tañi “Kane” pigelu, ka pegelafuy rume ñi kimgeam ñi amulken awtu kam pasaporte pigelu. Ka malünmaygeafuy rume ñi kalül ka tañi tukun, ka ñi chemkün kam kizu ñi awtu feygechi kimgekey ñi az.

Pegelüyum kom chew müley ñi üy ñi kimgeam tañi az femgechi kimgekey.

CHEMU ÑI TUGEAM

Pu karafineru ka chi pu “Policia Investigaciones” pigelu **kizuyegün wezake zugu mülelimi welu pegelimi tami mülen feychi pekanka** zugu mew fey mew ta tugeafuyami kam mügelkafinulimi tami tugeam, müleyami tami pegalal ti papel tami tugeam.

Tugeli kiñelke tüfachi zugu mew, feychi karafineru müley tami feypiatenew chuchi zugu tami koneltual ka zugal. Welu pegelgelekey kiñe wirin chew müley kom chumal chi che ka ñi zugal.

Mülenulimi kiñe norume tüfachi pakanka zugu mew, fey ti karafineru müley tami müñaltuategew.

KIMNIEYMI CHEM MEW TAMI KONELTULEN

Tugeli wentxugeafuy rume kam zomogeafuy rume, müley ñi feypial:

1. Kimnolimi chemu tami tugen. Kimnogeymi welu zugule wüla chi Txifunal
2. Kimaymi chemu tami tugen ka chem zugu tami tugen, fey ti karafineru müley tami feypietew chem zugu mew tugeymi.
3. Fey inkalümkelu, zomogeafuy rume ti inkalümkelu fey kizutu kellulumkey chew ta nütxamkageken chew ñi pewfaluwken ta che ka chemu tañi tugen. Mülenulimi punwi, müleyami tami amual chi “defensoría penal pública” pigelu zoy ina püle mülelu. Feyti zugu müley ñi kintugeal fey tüfa mew **www.dpp.cl**
4. Nüküfküleal. Pilimi peypial, müleyami tami zugal kiñe fiscal egu kam kelümkelu kam inkalumkelu rume. Inan chegelimi, müleyami tami rüküluwal fey ti kellukelu che. Ka elugekelay tañi wirintual tañi üy chem chilka norume kizu ñi ayinuel, ka feypial kizu koneltulelay chem norume ñi zewmanuel kam chemu tami zallugen.

